

ЗЕЧБУР!

Здравствуй!
Потэ 1930-тй арысен



Вераммы потэ!

Удмуртарняе азбарын пуны утыны кутске ке, бызыса потйсько — почтальон газет вае. Соку аслым шуисько — туннэ лыдзиськон нунал.

Газетэз быдэс семьяенымы яратйськом. Нырысь ик сое бабамы лыдзе.

Шумпотонъёсме мон котьку ик «Зечбур!»-елы ивортыны тыршисько. Кылсярысь, одйг нуналэ классэнымы Лудорвай музее ветлймы.

Софья КУЗЬМИНА.
Шор Постол школа.

Ми доры «Зечбур!»-ын ужасьёс вуылйзы но газетлэн историеныз тодматйзы, ужзы сярись веразы.

Софья БАЙКОВА.
Постол школа.
Завьял ёрос.

Гажано лыдзисьёсмы! Милям но шумпотонмес тйледлы вераммы потэ: газетмес элькунмылэн палэназ но шумпотыса лыдзо вылэм. Угось Почта агентстволэн каталогаз пыременымы валче, Удмуртын, Татарин сяна, эшшо тямьс городъёсын но улос-вылгёсын гожтйськыны луонлык кылдйз на. Тани алигес кыкезлэсь таё гожтэтьёссэс басьтймы.

Газетлэсь нырысетй номерзэ басьтй но пичи пинал кадъ шумпотй. Табере быдэс ар басьто. Тау газетын ужасьёслы! Азыланз но зеч мед мыноз ужзы.

Ольга ИВАНОВА,
58 арес.
Каменск-Уральский город.
Свердловск улосвыл.

Табере мон но «Зечбур!» газетэз басьтйсько... Школаын дышетскон аръёслэсь ностальгия... Толсур понна мырдэм-мырдэм кык номер вуиз. Табере монэ почтаын ужасьёс тодмало ини!

Татьяна ПРОКОПЬЕВА,
42 арес,
Москва город.

Сактэлэ!

1-тй февральысен кутскиз ДОСРОЧНОЙ подписка. Соя тй МАРТ толэзысен ДЕКАБРЁЗЬ гожтйськыны быгатйськоды.

Дас толэзь понна 462 манет но 30 копейка тырыны кулэ, нош кыкетй паларлы гинэ гожтйськиды ке — июльысен декабрёзь — 280 манет но 26 копейка кулэ.

«Тол бабай луэме уг поты»

Редакцие вуэм гожтэтьёсья

Оло почтаын ужасьёслэн жёгаменызы, оло нош асьсэлэн пинальёслэн бергес выржеменызы сэрэн, Виль ар праздникёсты ортчятэммы редакцие али но Виль арлы, вожодырлы сйзем ужъёс вуыло на. Кудйз-огез, газет бамын инты дыраз шедьымтээн, беромизы. Тани Завьял ёросысь Шор Постол школаысь Олег Алексеев, Полина Шишкина, Валерия Казанцева Виль арез пумитамзы сярись шунит кылгёсын гожтйллям. Можга ёросысь Вишур школаысь Наташа Петрова нош «Тол бабай ке луысал...» ыстэм

гожтэмаз вера: «Тол бабайлэн ужез тунсыко ке но, мынам Тол бабай луэме уг поты. Уггес пörмыты, дыр, со сямен котькуд адымлы шумпотон кузьманы, малы ке шуоно мон пинал нылаш, соин ик мыным матынгес веськрес, чебер Лымы ныл, Тол бабайлэн нунокез». Нош Пичи Пурга черкогуртысь Лида Некрасова Барбиезлы Лымы ныллэсь костюмзэ вурем но сое туспуктыса ыстэм. Гурезын нискыланы яратэмез сярись маде Татарстанысь Кукмор ёросысь Ошторма-Юмья школаысь Полина Васильева. Гурезь

йылысь соос тылобурдоос кадъ лобзыса кошко, шуэ со.

Алнаш ёросысь Усо школаысь 3-тй классын дышетскисьёс Виль ар азын Грах ёросэ Баба яга доры куное вуылйллям. Баба ягалэн коркаез выжыкылын сямен ик берганы быгатэ вылэм, курег курыз гинэ өвёл, пустьё соос. «Зечлуэ, Баба-яга, Тол бабай, Лымы ныл, разбойникъёс но ческыт сюдйсь-пöрасьёс! Милемлы тй дорын туж кельшиз!» — огымысь кадъ верало пинальёс.

Ольга МОСКВИНА.



13-тй толшоре 90 аресэ пусйиз профессор, экономика наукаосья доктор, Удмурт Элькунысь сйё-дано экономист Ю.С. Перевошиков. Соы сйзем жыт радьяськиз Йёскалык библиотекаын. Юрий Семёнович улон сюресэз, ужъёсыз сярись трос вераз. 90 аресказ но со трос ужа, выль малпанъёссэ калыке поттэ. Пöртэмесь тунсыкъяськонъёсыз калыкез паймыто: огвакытэ ик со экономикаез но мур эскере, удмуртъёс но удмурт кыл сярись историко-филологической фантазиоссэ но усьтэ. Берпуметй книгаез «Рыжие люди (Кельыт адымиос), откуда вы? Не из геродотовских ли Будинов?» нимаське.

«Кельыт (горд) адымиосын мон тунсыкъяськисько, — шуэ Юрий Семёнович, — пурьсытамелэсь азыло ачим но сыёе вал. Кун университетэ пырисько ке, горд йырсиё студентгёсты синйылтытэк уг кельтйськы, тужгес но — пиосты. Соку ик доразы мыныса, киме мычисько но зечбур, эше, шуисько».

Важоё ёросысь Гурезь-Пудга школаын Кузёбай Гердлэн вордйськемез дырысен 120 ар тырмонлы сйзем «Герд лыдзонъёс» ортчизы. Арганэн, шулдыр кырзанъёсын пумитазы куноосты. Быдэс ёросысь люкаськем нылпиос пöртэм секциосын ужазы, быгатонлыкъёссэс возматйзы: кин эктйз, кин кырзас, нош кин ке кылбур вераз. Котькуд секциын шараяськызы вормисьёс, соосты жюри дуняз, устооссэ бырйиз. Ми но, «Зечбур!» газетын ужасьёс, «Егит гожъяськись» секциын тыршимы, кылбур гожтыны мастер-класс ортчытймы.

Пичи Пурга ёросысь Иваново-Самарск культура юртын ортчем «Пурга — мынам доре» ужрадэ ёросысь гуртгёслы сйзем книгаослэн, «Зечбур!»-лэн спецномеръёсызлэн авторъёссы но соосты дасясьёс люкаськылызы. Иваново-Самарск школаысь удмурт кылгя но литература дышетйсь, «Гуртэ, мынам гуртэ...» книгалэн авторез И.Н. Коротаяева но ёрос библиотекаын ужасьёс сюлмаськемен, ужрад усто пöрмиз. Котькудйз делегация книгаезлы аспöртэм презентация лэсьтйз. Учкисьёссы вал 5—9-тй классын дышеткисьёс но гуртоос. «Книгаосмы туж ик зöкесь өвёл ке но, историмес вунэтонтэм понна, соос кулэ», — шуизы люкаськемъёс.



Виль ар кемалась ортчиз ни, нош сое пумитаммы весь тодам на.

Суредаз Валя ИВАНОВА, 2-тй класс.
Ошторма-Юмья школа, Кукмор ёрос.
Татарстан.

